



### Մարտի 14-ի դրությամբ՝

\*\*\*

ԹԱՐՄԱՑՈՒՄ 21:45, 14.03.2020թ.  
Եվս 14 թեստի պատասխաններից 12-ը բացասական են, իսկ 2-ը՝ դրական:  
Վերջիններս կրկին կապված են «Էջմիածնի» դեպքի հետ:  
Այս պահին ունենք հաստատված 20 դեպք:

\*\*\*

ԹԱՐՄԱՑՈՒՄ 17:00, 14.03.2020թ.  
Այս պահի դրությամբ ունենք 18 հաստատված դեպք, որից 11-ը Էջմիածին քաղաքի դեպքով, իսկ 1-ը՝ մարտի 1-ին ախտորոշված պացիենտի կոնտակտն է: Բոլոր նոր 3 դեպքերը եղել են մեկուսացված և մեր հսկողության տակ:  
Ունենք նաև լավ լուր. մարտի 1-ին ախտորոշված պացիենտի այսօրվա տեստավորումը բացասական արդյունք է ցույց տվել, այսինքն նրա մոտ վիրուս չի հայտնաբերվել: Վաղը ևս մեկ բացասական արդյունք ստանալուց հետո, նա դուրս կգրվի հիվանդանոցից:

\*\*\*

Առողջապահության նախարարությունը վերջին օրերին թե՛ բնակչությունից և թե՛ զանգվածային լրատվամիջոցների ներկայացուցիչներից պարբերաբար «ահազանգեր» է ստանում, որ հանրապետության այս կամ այն տարածքից մարդկանց են «մեկուսացնում»: Այս կապակցությամբ հայտնում ենք, որ կորոնավիրուսային հիվանդության վիճակով պայմանավորված երկրում ընթանում են համաճարակաբանական գործողություններ՝ սահմանված կարգով:  
Լրատվամիջոցներին խնդրում ենք՝ «ահասարտու» վերնագրերով խուճապային տրամադրություն չստեղծել, վստահել, որ նախարարությունը պատշաճ իրականացնում է իր լիազորությունների շրջանակներում անհրաժեշտ աշխատանքները:  
Իսկ բնակչությանը հորդորում ենք՝ պահպանել հանգստություն և հետևել պաշտոնական լրահոսին:

\*\*\*

Քիչ առաջ ավարտվել է ևս 38 հենազոտություն, որից 36-ը բացասական, իսկ 2-ը՝ դրական: Դրական թեստով պացիենտները համաճարակաբանորեն կապված են Էջմիածնի դեպքի հետ և ի սկզբանե մեկուսացված են եղել:  
Այս պահին ունենք 15 հաստատված դեպք, որից միայն մեկի մոտ առկա է թոքաբորբ:

### Մարտի 13-ի դրությամբ՝

\*\*\*

Կարանտինում գտնվող 31 անձանցից 28-ն այսօր կգնան տուն, քանի որ նրանց թեստի արդյունքները բացասական են: Նրանցից երկուսը հոսպիտալացվում են, քանի որ թեստի արդյունքները եղել են դրական, իսկ մեկը կշարունակի մնալ կարանտինում:  
Բացի այդ, այսօր ժամը 22:00-ի դրությամբ հաստատվել է ևս 3 դեպք, որից երկուսը եղել են արդեն իսկ հաստատված դեպքի կոնտակտները, իսկ 1-ը ժամանել է հրանախաղի:  
Շնորհանդդ մտմբ այս պահին ունենք կորոնավիրուսային հիվանդության հաստատված 13 դեպք:  
Բոլոր պացիենտների վիճակը բավարար է, միայն մեկի մոտ առկա է թոքաբորբ:

\*\*\*

Պայմանավորված ներկայիս իրավիճակով՝ «Նորք» ինֆեկցիոն հիվանդանոցը վերապրոհիվանդվել է և այսուհետ սպասարկելու է միայն կորոնավիրուսային հիվանդության կասկածով և հաստատված պացիենտներին:

Բոլոր այլ ինֆեկցիոն հիվանդություններով պայմանավորված պացիենտները տեղափոխվել են այլ հիվանդանոցներ:

Հորդորում ենք չխոչընդոտել հիվանդանոցի բնականոն աշխատանքը, մտածել սեփական անվտանգության մասին, հիվանդանոցի շուրջը չիրականացնել նկարահանումներ՝

հարգելով քաղաքացիների անձնական և բժշկական գաղտնիքի իրավունքը:

Նշենք, որ այս պահի դրությամբ ունենք կորոնավիրուսային հիվանդության հաստատված 8 դեպք:

\*\*\*

Այս պահին Վանաձորի ինֆեկցիոն հիվանդանոց է տեղափոխվել 5 քաղաքացի, որոնք ունեցել են որոշակի գանգատներ:

Նրանցից վերցվել են նմուշառումներ, որպեսզի կատարվի թեստավորում:

\*\*\*

Մարտի 13-ի, ժամը 14:00-ի դրությամբ Հայաստանում իրականացվել է Կորոնավիրուսային հիվանդության 292 հետազոտություն՝ 8 դրական արդյունքով, որից 2-ը հաստատվել է քիչ առաջ: Պացիենտները հոսպիտալացված են ինֆեկցիոն հիվանդանոցում: Ջերմում է միայն թոքաբորբով հիվանդը, մնացած 7-ը գանգատներ չունեն:

Վերջին 4 դեպքը փոխկապակցված է հաստատված նոր կորոնավիրուսով էջմիածնի քաղաքացու հետ, որոնք օրեր առաջ մեկուսացվել էին:

Հավելենք, որ մարտի 1-ին կարանտինային գոտի տեղափոխված քաղաքացիների լաբորատոր հետազոտությունները պատրաստ կլինեն մինչև օրվա ավարտ:

#### **Առողջապահության նախարարությունը կոչ է անում՝**

-հուսափել շնչառական վարակներով հիվանդների հետ շփումից, անհնարինության դեպքում՝ օգտագործել անհատական պաշտպանիչ միջոցներ (դիմակներ),

-Հաճախակի լվանալ ձեռքերը՝ առվազն 20 վայրկյան տևողությամբ, հատկապես սնունդ ընդունելուց առաջ,

-Գրիպանման երևույթների առկայության դեպքում, չգբաղվել ինքնաբուժմամբ, դիմել բժշկի:

#### **Մարտի 12-ի դրությամբ՝**

\*\*\*

#### **Հաստատվել է Կորոնավիրուսային հիվանդության 2 նոր դեպք**

*Մարտի 12-ի ժամը 21:00 դրությամբ*

Հաստատվել է Կորոնավիրուսային հիվանդության 2 նոր դեպք: Պացիենտները հոսպիտալացված են ինֆեկցիոն հիվանդանոցում:

Վերջիններս հաստատված նոր կորոնավիրուսով էջմիածնի քաղաքացու հետ սերտ շփում ունեցած անձանց շրջանակից են, որոնք երեկ երեկոյան մեկուսացվել էին:

Նրանց մոտ դիտվել էր ջերմության բարձրացում, ինչի կապակցությամբ նրանք տեստավորվել են, որի արդյունքում հիվանդությունը նրանց մոտ հաստատվել էր: Այս պահին նրանց ինքնազգացողությունը

լավ է, նրանք չեն ջերմում:

Մամուլում տարածվում է, թե Նոր  
Կորոնավիրուսով 15-ամյա երեխա է  
վարակվել:

Պաշտոնապես տեղեկացնում ենք, որ  
Կորոնավիրուսով վարակված երեխայի դեպք  
Հայաստանում չկա:

Այս պահի դրությամբ Հայաստանում կա  
Կորոնավիրուսային հիվանդության  
հաստատված 6 դեպք:

\*\*\*

Հաստատվել է Կորոնավիրուսային  
հիվանդության 3 նոր դեպք: Պացիենտները  
հոսպիտալացված են ինֆեկցիոն  
հիվանդանոցում:

Բոլորը Հայաստան ժամանել են Իտալիայից:  
Նրանցից 1-ը Իտալիայի (տարիքը՝ 51), իսկ  
2-ը Հայաստանի քաղաքացիներ են  
(տարիքը՝ 45 և 27): Պացիենտներից երկուսն  
այս պահին չունեն գանգատներ: Երրորդ  
պացիենտը ջերմում է և ունի աջակողմյան  
բազալ թոքաբորբ, որի կապակցությամբ  
ստանում է ախտանշանային բուժում:

Հայտնաբերվել և մեկուսացվել է նրանց հետ  
սերտ շփման ամբողջ շրջանակը՝ 57 անձ:  
Նշենք, որ մինչ այդ մեկուսացված էին ևս 31  
հոգի: Այս պահի դրությամբ ընդհանուր  
առմամբ մեկուսացված է 88 անձ:

Մինչ այս պահին իրականացվել է 262  
հետազոտություն՝ 4 դրական արդյունքով:

*Կորոնավիրուսային հիվանդության 3 նոր  
դեպքի մասին հայտարարելուց հետո  
համացանցում տարածվել է, թե իբր  
«Հետազոտության ընթացքում ևս 3 անձի մոտ  
է հայտնաբերվել»: Այս «ինֆորմացիան» սկսել  
են արտատպել նաև լրատվամիջոցները:*

*Հարգելի ֆեյսբուքյան օգտատերեր, կոչ ենք  
անում հանրության շրջանում ավելորդ  
խուճապ չառաքացնել և ունենալ  
պատասխանատվության զգացում:*

*Այս պահին ընդհանուր առմամբ  
Հայաստանում գրանցվել է  
Կորոնավիրուսային հիվանդության 4 դեպք,  
որից մեկի մասին հայտարարվել է մարտի 1-  
ին և 3-ը՝ մարտի 11-ին:*

### Մարտի 11-ի դրությամբ

Հաստատվել է Կորոնավիրուսային  
հիվանդության 3 նոր դեպք: Պացիենտները  
հոսպիտալացված են ինֆեկցիոն  
հիվանդանոցում:

Բոլորը Հայաստան ժամանել են Իտալիայից:  
Նրանցից 1-ը Իտալիայի (տարիքը՝ 51), իսկ  
2-ը Հայաստանի քաղաքացիներ են  
(տարիքը՝ 45 և 27): Պացիենտներից երկուսն  
այս պահին չունեն գանգատներ: Երրորդ  
պացիենտը ջերմում է և ունի աջակողմյան  
բազալ թոքաբորբ, որի կապակցությամբ  
ստանում է ախտանշանային բուժում:

Այս պահին կազմակերպվում են նրանց հետ  
սերտ շփումներ ունեցած անձանց  
մեկուսացման աշխատանքները:

Հավելենք, որ բոլորն ի սկզբանե գտնվել են Առողջապահության նախարարության հսկողության տակ՝ ժամանելուն պես:

Առողջապահության Համաշխարհային Կազմակերպությունը հայտարարել է համավարակ՝ պայմանավորված Կորոնավիրուսային հիվանդությամբ (COVID-19):

### Կորոնավիրուսային հիվանդությամբ (COVID-19) պայմանավորված հանճարակային վիճակը մարտի 9-ի ժամը 18:00-ի դրությամբ՝

Չինաստանի Առողջապահության պետական հանճարակային ամենօրյա զեկույցի համաձայն՝ մարտի 9-ի ժամը 18:00-ի դրությամբ Չինաստանում արձանագրվել է կորոնավիրուսային հիվանդության (COVID-19) 80904 հաստատված դեպք, առողջացածների թիվը՝ 58807 (72.7%): Գրանցվել է 3123 մահ (3.9%): Աշխարհում գրանցվել է 111478 հաստատված դեպք: Չինաստանից դուրս աշխարհի 107 երկրում գրանցվել է 30574 դեպք:

Առողջապահության համաշխարհային կազմակերպությունը փետրվարի 29-ից դիսկը շատ բարձր է գնահատել ոչ միայն Չինաստանում, այլև տարածաշրջանային և համաշխարհային մակարդակներում:

Նշենք, որ Հայաստանի միջգերատեսչական աշխատանքային խումբն ամենօրյա ռեժիմով իրականացնում է վարակի դեմ պայքարի քննարկումներ, և խնդիրների առկայության դեպքում ներկայացնում ոլորտային առաջարկություններ՝ հաջորդիվ ապահովելով է դրանց իրականացումը:

- Մինչ օրս իրականացվել է 211 հետազոտություն՝ 1 դրական արդյունքով:
- Շարունակվում է պետական սահմանի անցման կետերում ուժեղացված հսկողությունը: Ներկայումս 14-օրյա բժշկական հսկողությունն իրականացվում է Իրանի Իսլամական Հանրապետությունից, Իտալիայից, Չինաստանից, Ճապոնիայից, Հարավային Կորեայից ժամանած ուղևորների նկատմամբ՝ անկախ քաղաքացիությունից (երկրների ցանկում ավելացվելու են Ֆրանսիան, Գերմանիան և Իսպանիան):
- Ուժի մեջ մտած Իրան-Հայաստան սահմանային հատմաները սահմանափակող կառավարության որոշման համաձայն՝ Մեդրիի անցակետից եկող բոլոր բեռնատարները տեղաշարժվել են ոստիկանության ուղեկցությամբ և առողջապահության նախարարության մասնագետների պարբերաբար հսկողությամբ: 837 վարորդի (որից 228-ն՝ Իրանի Իսլամական Հանրապետության քաղաքացի) նկատմամբ սահմանվել է հսկողություն Հայաստանի ողջ տարածքում, այդ թվում՝ Պետական եկամուտների կոմիտեի մաքսային պահեստներում, մինչև նրանց հետ վերադարձը, իսկ Հայաստանի քաղաքացի վարորդների նկատմամբ հսկողությունը սահմանվել է ըստ բնակության վայրի:
- Երևանն են ժամանել Առողջապահության համաշխարհային կազմակերպության տարածաշրջանային փորձագետները, ովքեր իրականացնելու են կորոնավիրուսային հիվանդության դեմ պայքարի ուղղությամբ հոսպիտալային պատրաստվածության և լաբորատոր հետազոտությունների գնահատում:
- Հիվանդությունների վերահսկման և կանխարգելմանն ազգային կենտրոնում ձևավորվել է «Օպերատիվ գանգերի կենտրոն», հեռախոսահամարը՝ 060 83 83 00, որն աշխատում է շուրջօրյա:

### Նոր կորոնավիրուսային վարակով պայմանավորված հանճարակային վիճակը 2020 թվականի մարտի 2-ի 16:00 դրությամբ՝

Չինաստանի Առողջապահության պետական հանճարակային ամենօրյա զեկույցի համաձայն՝ 2020 թվականի մարտի 2-ի 16:00 դրությամբ Չինաստանում արձանագրվել է նոր կորոնավիրուսային հիվանդության (COVID-19) 80175 հաստատված դեպք, առողջացածների թիվը՝ 44607 (55.6%): Գրանցվել է 2915

մահվան դեպք (3.6%): Աշխարհում գրանցվել է 88950 հաստատված դեպք: Չինաստանից դուրս աշխարհի 62 երկրում գրանցվել է 8776 դեպք:

Առողջապահության համաշխարհային կազմակերպության (ԱՀԿ) տվյալների համաձայն՝ աշխարհում մարտի 2-ի դրությամբ արձանագրվել է 87137 լաբորատոր հաստատված դեպք, որից Չինաստանում՝ 79968, 2873-ը՝ մահվան ելքով: Չինաստանից դուրս աշխարհի 58 երկրում արձանագրվել է 7169 դեպք, որից 104-ը՝ մահվան ելքով:

Հայաստանում Նոր կորոնավիրուսի դեմ պայքարի աշխատանքները շարունակվում են: Արդեն իսկ իրականացվել է 120 հետազոտություն՝ մեկ դրական արդյունքով:

ԱՀԿ Նոր մոտեցումների համաձայն՝ լրամշակվել են Նոր կորոնավիրուսային վարակի բուժման ալգորիթմը և դեպքերի ստանդարտ բնորոշման սահմանումները, որոնք սահմանված կարգով կհաստատվեն և կտեղայնացվեն: Հանրապետության բժշկական կազմակերպություններում Նոր կորոնավիրուսային վարակի (COVID-19) դիմակայումն ապահովելու համար իրականացվում է բուժանձնակազմի պատրաստվածությանն ուղղված միջոցառումներ:

### **Նոր կորոնավիրուսային վարակով պայմանավորված համաճարակային վիճակը փետրվարի 27-ի ժամը 14:00 դրությամբ**

Չինաստանի Առողջապահության պետական հանձնաժողովի ամենօրյա զեկույցի համաձայն՝ փետրվարի 27-ի ժամը 14:00 դրությամբ Չինաստանում կորոնավիրուսային հիվանդությամբ (COVID-19) հաստատված դեպքերի թիվը կազմել է 78631, հաստատված դեպքերից առողջացածների թիվը՝ 32,654: Գրանցվել է 2747 մահ: Հստ նույն արշյուրի՝ փետրվարի 27-ի, ժամը 09:00-ի դրությամբ աշխարհում արձանագրվել է 82206 հաստատված դեպք: Չինաստանից դուրս աշխարհի 46 երկրում գրանցվել է 3575 դեպք:

Առողջապահության համաշխարհային կազմակերպության տվյալներով՝ փետրվարի 26-ի դրությամբ գլոբալ մակարդակով արձանագրվել է Նոր կորոնավիրուսային վարակի (COVID-19) 81109 հաստատված դեպք: Չինաստանում արձանագրվել է 78191 դեպք, որից 2718-ը մահվան ելքով: Չինաստանից դուրս 2918 դեպք է արձանագրվել 37 երկրում, որից 43-ը մահվան ելքով:

Նոր կորոնավիրուսային վարակի (COVID-19) դեմ պայքարի համալիր միջոցառումները՝ սահմանային հսկողությունից մինչև լաբորատոր հետազոտություններ շարունակվում են: Իրականացվել է 95 հետազոտություն՝ բացասական արդյունքով:

Հանրապետության բժշկական կազմակերպություններում Նոր կորոնավիրուսային վարակի (COVID-19) դիմակայումն ապահովելու համար իրականացվում են բուժանձնակազմի պատրաստվածությանն ուղղված միջոցառումներ:

Մշտական կապ է հաստատվել Առողջապահության համաշխարհային կազմակերպության և տարածաշրջանի գործընկերների հետ՝ վարակի դեմ պայքարի

գործում կարողությունների քննարկման  
նպատակով:

**Նոր կորոնավիրուսային վարակով  
այայնանավորված  
համաճարակային վիճակը  
փետրվարի 26-ի, ժամը 18:00  
դրությամբ**

Չինաստանի Առողջապահության պետական  
հանձնաժողովի ամենօրյա զեկույցի  
համաձայն՝ փետրվարի 26-ի ժամը 18:00  
դրությամբ, Նոր կորոնավիրուսային  
վարակով (COVID-19) հաստատված  
դեպքերի թիվը կազմել է 78195:  
Հաստատված դեպքերից առողջացածների  
թիվը կազմել է 30073: Գրանցվել է 2718 մահ:  
Նույն աղբյուրը տեղեկացնում է նաև, որ  
աշխարհում գրանցվել է 81226 հաստատված  
դեպք:

Առողջապահության համաշխարհային  
կազմակերպության փետրվարի 25-ի  
տվյալներով՝ ամբողջ աշխարհում  
արձանագրվել է 80239 դեպք, որից  
Չինաստանում՝ 77780, 2666-ը՝ մահվան  
ելքով: Չինաստանից դուրս 33 երկրում  
գրանցվել է 2459 դեպք, 34-ը մահվան ելքով:

Առողջապահության Նախարարության  
կողմից շարունակվում են Նոր  
կորոնավիրուսային վարակի (COVID-19) դեմ  
պայքարի համալիր միջոցառումները:  
Բժշկական կազմակերպություններն  
ապահովված են անհրաժեշտ բժշկական  
պարագաներով: Երկիր է ներկրվել Նոր  
կորոնավիրուսային վարակի (COVID-19)  
ախտորոշման համար թեստերի Նոր  
խմբաքանակ: Չնայած Առողջապահության  
համաշխարհային կազմակերպության  
կողմից Նոր կորոնավիրուսային վարակի  
(COVID-19) բուժման ուղղությամբ այսօր որևէ  
կոնկրետ դեղ չի առաջարկվում,  
Նախարարության մասնագետները  
ուսումնասիրվել են թե Չինաստանի, թե այլ  
երկրների կողմից առաջարկվող փորձը, ինչի  
արդյունքում մշակվում է Նոր  
կորոնավիրուսային վարակով (COVID-19)  
պացիենտների վարման ընթացակարգ:

Իրանից ինքնաթիռով վերադարձող  
ուղևորների նկատմամբ հսկողությունը  
պատշաճ իրականացնելու համար  
առողջապահության Նախարար Արսեն  
Թորոսյանի հանձնարարությամբ ՀՀ ԱՆ  
Հիվանդությունների վերահսկման և  
կանխարգելման ազգային կենտրոնի  
մասնագետը մեկնել էր Թեհրան:

Թեհրան-Երևան ինքնաթիռը 52 ուղևորով,  
մասնագետի ուղեկցությամբ վայրէջք է  
կատարել «Չվարթինգ» միջազգային  
օդանավակայանում: Բոլորը ուղևորները թե՛  
օդանավ նստելիս, թե՛ ընթացքում և՛ թե՛  
վայրէջքից հետո ջերմաչափվել են:  
Վերջիններիս մոտ որևէ գանգատ կամ  
ջերմություն չի արձանագրվել: Նրանք  
գտնվելու են տնային հսկողության տակ:

**Նոր կորոնավիրուսային վարակով  
այայնանավորված  
համաճարակային վիճակը  
փետրվարի 25-ի ժամը 13:00-ի  
դրությամբ**

Չինաստանի Առողջապահության պետական  
հանձնաժողովի ամենօրյա զեկույցի  
համաձայն՝ փետրվարի 25-ի, ժամը 13:00-ի  
դրությամբ կորոնավիրուսային  
հիվանդության (COVID-19) հաստատված  
դեպքերի թիվը կազմել է 77782, կասկածելի  
դեպքերի թիվը՝ 2824, հաստատված  
դեպքերից առողջացածների թիվը՝ 27554,  
գրանցվել է 2666 մահ: Այս պահի դրությամբ

ծանր վիճակում է գտնվում 9126 պացիենտ:

Առողջապահության համաշխարհային կազմակերպության տվյալների համաձայն՝ ընդհանուր առմամբ, աշխարհում փետրվարի 24-ի դրությամբ արձանագրվել է 79331 լաբորատոր հաստատված դեպք, որից 2ինաստանում՝ 77262, 2595-ը՝ մահվան ելքով: 2ինաստանից դուրս աշխարհի 29 երկրում արձանագրվել է 2069 դեպք, որից 23-ը մահվան ելքով:

Կերը նշված տվյալները փաստում են, որ 2ինաստանում իրավիճակի կայունացումը շարունակվում է:

Ինչ վերաբերում է Իրանի Իսլամական Հանրապետությունում արձանագրված դեպքերին, ապա պետք է նշել, որ փետրվարի 25-ի, ժամը 13:00-ի դրությամբ արձագրվել է 61 դեպք, որից 15-ը՝ մահվան ելքով:

Հայաստանում նոր կորոնավիրուսի դեմ պայքարի աշխատանքները շարունակվում են և փետրվարի 25-ի ժամը 13:00-ի դրությամբ մեր երկրում նշված վարակի հաստատված դեպք չկա:

### Նոր կորոնավիրուսային վարակով պայմանավորված համաճարակային վիճակը փետրվարի 22-ի ժամը 15:30 դրությամբ

2ինաստանի Առողջապահության պետական հանձնաժողովի ամենօրյա զեկույցի համաձայն՝ փետրվարի 22-ի ժամը 15:30 դրությամբ կորոնավիրուսային հիվանդության (COVID-19) հաստատված դեպքերի թիվը կազմել է 76392, կասկածելի դեպքերի թիվը՝ 5365, հաստատված դեպքերից առողջացածների թիվը՝ 20674 (13%), գրանցվել է 2348 մահ (3.1%): Այս պահի դրությամբ ծանր վիճակում են գտնվում 11477 պացիենտ:

Առողջապահության համաշխարհային կազմակերպության տվյալների համաձայն՝ ընդհանուր առմամբ, աշխարհում փետրվարի 21-ի դրությամբ արձանագրվել է 76769 լաբորատոր հաստատված դեպք, որից 2ինաստանում՝ 75569, 2239-ը՝ մահվան ելքով: 2ինաստանից դուրս աշխարհի 26 երկրում արձանագրվել է 1200 դեպք, որից 8-ը մահվան ելքով:

### Աշխարհում արձանագրված դեպքերը 22.02.2020թ. դրությամբ

Տարածաշրջան	N	Հիվանդության արձանագրման ամսաթիվ	Երկիր	Հիվանդության հաստատված դեպքեր	Մահվան ելքով հիվանդներ
Արևմտյան խաղաղ-օվկիանոսային տարածաշրջան	1	01.12.19 (հիվանդության սկսման ամսաթիվ)	2ինաստան	76392	2348
	2	14.01.20	Ճապոնիա	110	1
			«Diamond Princess» նավ	634	2
	3	19.01.20	Կորեա	346	2
	4	23.01.20	Վիետնամ	16	0
	5	24.01.20	Սինգապուր	86	0
	6	25.01.20	Ավստրալիա	21	0
	7	25.01.20	Մալայզիա	22	0
	8	27.01.20	Կամբոջա	1	0
	9	30.01.20	Ֆիլիպիններ	3	1
Հարավարևելյան	10	12.01.20	Թաիլանդ	35	0

Ասիայի տարածաշրջան	11	24.01.20	Նեպալ	1	0
	12	27.01.20	Շրի Լանկա	1	0
	13	30.01.20	Հնդկաստան	3	0
Եվրոպայի տարածաշրջան	14	25.01.20	Ֆրանսիա	12	1
	15	28.01.20	Գերմանիա	16	0
	16	29.01.20	Ֆինլանդիա	1	0
	17	30.01.20	Իտալիա	21	1
	18	31.01.20	Մեծ Բրիտանիա	9	0
	19	31.01.20	Իսպանիա	2	0
	20	31.01.20	Ռուսաստան	2	0
	21	31.01.20	Շվեդիա	1	0
	22	04.02.20	Բելգիա	1	0
	Ամերիկայի տարածաշրջան	23	21.01.20	ԱՄՆ	35
24		26.01.20	Կանադա	9	0
Արևելյան Միջերկրածովյան տարածաշրջան	25	30.01.20	ԱՄԷ	11	0
	26	14.02.2020	Եգիպտոս	1	0
27	19.02.2020	Իրան	28	5	
<b>Ընդամենը</b>				<b>77810</b>	<b>2360</b>

Վերը նշված տվյալները փաստում են այն մասին, որ Չինաստանում արդեն իսկ դիտվում է Նոր կորոնավիրուսային վարակով պայմանավորված իրավիճակի կայունացում:

Ինչ վերաբերում է Իրանի Իսլամական Հանրապետությունում արձանագրված դեպքերին, ապա պետք է նշել, որ փետրվարի 22-ի ժամը 16:00 դրությամբ արձագրվել է 28 դեպք, որից 5-ը՝ մահվան ելքով:

Մամուլում տեղեկություն է տարածվել, թե Վրաստանի ինֆեկցիոն հիվանդանոցում Իրանի քաղաքացիներ են հոսպիտալացվել՝ կորոնավիրուսի կասկածանքով: Առողջապահության նախարարությունը կապ է հաստատել վրացի գործընկերների հետ և վերջիններին կողմից այն հերքվել է:

#### Նոր կորոնավիրուսային վարակով պայմանավորված համաճարակային վիճակը փետրվարի 21-ի ժամը 16:00 դրությամբ՝

Չինաստանի Առողջապահության պետական հանձնաժողովի ամենօրյա զեկույցի համաձայն՝ փետրվարի 21-ի, ժամը 16:00 դրությամբ կորոնավիրուսային հիվանդության (COVID-19) հաստատված դեպքերի թիվը կազմել է 75567, կասկածելի դեպքերի թիվը՝ 5206, հաստատված դեպքերից առողջացածների թիվը՝ 18654 (24,2%), զրանցվել է 2239 մահ (3%): Այս պահի դրությամբ ծանր վիճակում են գտնվում 11633 պացիենտ:

Առողջապահության համաշխարհային կազմակերպության տվյալների համաձայն՝ ընդհանուր առմամբ, աշխարհում փետրվարի 20-ի դրությամբ արձանագրվել է 75748 լաբորատոր հաստատված դեպք: 282-ից դուրս աշխարհի 26 երկրում արձանագրվել է 1073 դեպք:



Հստ մասնագետների` 80.9% դեպքերում հիվանդությունն ընթանում է թեթև ձևով: Բարձր ռիսկային խմբում են գտնվում ծերերը և այլ զուգակցող հիվանդություններով անձինք: Հիվանդությունը ծանր ձևով ընթանում է սրտանոթային, շաքարային դիաբետով, շնչաուական խանգարումներով հիվանդների մոտ:

Այսօրվա դրությամբ վարակի (COVID-19) մահացությունը հասել է 2.3%: Հնդ որում տղամարդկանց շրջանում մահացության ցուցանիշն ավելի բարձր է (տղամարդ` 2.8, կին` 1.7):

Հիվանդի տարիքից կախված բարձրանում է մահացության ցուցանիշը: Մինչև 39 տարեկան տարիքային խմբում այն կազմում է 0,2%, 40 տարեկանների մոտ` 0,4%, 50տ.` 1,3%, 60տ.` 3,6%, 70տ. 8%, 80տ. և բարձր` 14,8%: Մինչև 9 տարեկան երեխաների մոտ դեռևս մահվան ելքով դեպք չի գրանցվել` չնայած հիվանդանոցներում բուժում են ստանում մանկահասակ տարիքի երեխաներ:

Հարկ է նշել, որ ռիսկի խմբի մեջ են մտել նաև բուժաշխատողները` 3019 հիվանդ, որից 5-ը մահվան ելքով:

**Աշխարհում արձանագրված դեպքերը` 21.02.2020. դրությամբ**

	N	Հիվանդության արձանագրման ամսաթիվ	Երկիր	Հիվանդության հանտատված դեպքերի քանակ (+ նախորդ օրվ)
<b>Արևմտյան խաղաղ—օվկիանոսային տարածաշրջան</b>	1	01.12.19 (հիվանդության սկսման ամսաթիվ)	Չինաստան	75567 (892)
	2	14.01.20	Ճապոնիա	97 (12)
			«Diamond Princess» նավ	634 (13)
	3	19.01.20	Կորեա	156 (74)
	4	23.01.20	Վիետնամ	16
	5	24.01.20	Սինգապուր	85 (1)
	6	25.01.20	Ավստրալիա	17 (2)
	7	25.01.20	Մալայզիա	22
	8	27.01.20	Կամբոջա	1
9	30.01.20	Ֆիլիպիններ	3	
<b>Հարավարևելյան Ասիայի տարածաշրջան</b>	10	12.01.20	Թաիլանդ	35
	11	24.01.20	Լեպալ	1
	12	27.01.20	Շրի Լանկա	1
	13	30.01.20	Նեդկաստան	3
<b>Եվրոպայի տարածաշրջան</b>	14	25.01.20	Ֆրանսիա	12
	15	28.01.20	Գերմանիա	16
	16	29.01.20	Ֆիլանդիա	1
	17	30.01.20	Իտալիա	4
	18	31.01.20	Մեծ Բրիտանիա	9
	19	31.01.20	Իսպանիա	2
	20	31.01.20	Ռուսաստան	2

	21	31.01.20	Շվեդիա	1
	22	04.02.20	Բելգիա	1
<b>Ամերիկայի տարածաշրջան</b>	23	21.01.20	ԱՄՆ	16 (1)
	24	26.01.20	Կանադա	9 (1)
<b>Արևելյան Միջերկրածովյան տարածաշրջան</b>	25	30.01.20	ԱՄԷ	9
	26	14.02.2020	Եգիպտոս	1
	27	19.02.2020	Իրան	2
	<b>Ընդամենը</b>			<b>76723 (1000)</b>

Ինչ վերաբերում է Իրանի Իսլամական Հանրապետությունում (ԻԻՀ) արձանագրված դեպքերին, ապա պետք է նշել, որ առողջապահության նախարարությունը շարունակում է աշխատանքները ԻԻՀ-ում թե՛ հայկական դեսպանատան, և թե՛ առողջապահության նախարարության հետ: Արդյունքում պարզվել է, որ փետրվարի 21-ի ժամը 16:00 դրությամբ արձագրվել է 18 դեպք, որից 4-ը՝ մահվան ելքով:

[Առկա իրավիճակ](#)

[Բնակչության իրազեկում](#)

[Հաճախ հնչող հարցեր](#)

[Մամուլի հրապարակումներ](#)

[Տեխնիկական փաստաթղթեր](#)



Գաղտնիություն Պայմաններ  
Կայքի քարտեզ

